

欲廢先興欲奪先與者以柔能勝剛弱能勝強故也

魚不可脫於淵心不離平道國之利器不可以示人可與立不可與權

又曰魚以水為宮亦依水為勢當其浮沉於淵鼓鬣揚鬣雖強有力者莫之能勝魚固居剛矣迨脫淵而陸則失其所恃而生殺一聽乎人不又剛即於柔乎是故聖人無時無處不出於柔而天下之剛者卒莫能勝此大明之終始而國之利器也國之利器惟有道者自喻之而不可出而喻諸人也

為政章第三十七

道常無為無為為道妙而無不為有作是根基

字佑帝君注曰無為者道也然終於無為則宇內亦安知有

道藏輯要

道德經解

聖

心集一

道故無為者其體而有為者其用究竟為之而仍無所為故謂之常無為也即謂之無不為也可

侯王若能守心主於道萬物將自化萬化自然化而欲作一念欲起吾將鎮之

以無名之樸要知真一處當使六用廢

又曰是無為者可卷可放若現若隱或即或離非色非聲冲漠無朕極矣然為侯王者若能守此無為則德運於無形功積於弗知萬物將資焉而自化矣第物化而我不與之俱化斯不失無為之體每見世主因物振興遂亦從風而靡徂於已然冀其未然忘其本然流弊鮮所底止惟當其化而欲作之時終以無名之樸鎮之庶乎有以為者仍是無以為也是

之謂無為

無名之樸亦將不欲我好靜而民自正不欲以靜知者不敢為天下將自正

為無為則無不治

又曰夫無名之樸能鎮有為之化樸其不可欲也耶然存一欲樸之心則仍趨於有矣故樸雖美而初不以為美而欲之要其所謂不欲者無他直是主靜而已靜者天地之始萬物之終虛無而自然也靜以無為而凡有皆從此生天下亦安有不定者哉

論德章第三十八

上德不德德大無上是以有德和氣流行下德不失德有所室礙是

道藏輯要

道德經解

聖

心集一

以無德與道相違

孚佑帝君注曰上德即無為之德也無為之德雖有以化化生生而究未有心於化之生之是不自以為德矣惟不自以為德而化生於其德者無弗歸之是不德而有德矣若從事於有為而兢兢抱德以執之雖亦利及於物而德滯於有非德之所以為德也則謂之無德也可

上德無為法道安靜而無以為無所事於心下德為之逐妄而有以為迷真

又曰上德固無為矣然或無為而有所以尚不得謂之無為也惟無為而並無所以則混虛太空宵冥而不可窮至於下德已不免於為矣乃為之而且有所以是其為者乃其所以